

အပိုစွဲအပိုစာ

AWIG-AWIG

ကျေးရွာအုပ်စုအစိုးရအဖွဲ့

DESA PAKRAMAN SERANGAN



နယ်စပ်ဒေသအစိုးရအဖွဲ့ - ကျေးရွာအုပ်စုအစိုးရအဖွဲ့

KECAMATAN DENPASAR SELATAN - KOTA DENPASAR

၂၀၀၇ ခုနှစ်

TAHUN 2007

MURDHA CITTA

OM Swastyas.u, Om Awignamastu namo sidham.

Malarapan saking pasuwēcan Ida Sang Hyang Widi Wasa, asung Kertha lugraha ngwēntenang kahuripan sekala niskala. Adung patemoning kang bhuwana rwa, minakadi bhuwana agung lan bhuwana alit

Mungging dēsanē wantah pawakan pasayuban krama dēsa rawuhing kulawarga pawongannya. Manutin dresta dēsa kanggehang bhuana agung, pawongannya sowang-sowang pinaka bhuana alit, adung patemoning bhuana kalih larapan santa jagathita sinanggeh murdhaning prayojana pangriptaning awig-awig.

Sotaning bhuana Agung Dēsanē wantah angga bhuana maurip jangkep saha Tri Hita Karana, luwirē :

1. Parhyangan : Sahanan Kahyangan Panyiwian Dēsa, genah ngarcana Hyang, maka “Atman Dēsanē”
2. Palemahan : Tanah kekuwuban saha dagingnya, sinanggeh “Angga Sarira” tawulan dēsanē.
3. Pawongan : Warga Dēsanē sami pawakan “Tri kaya” mawinan dēsanē sida molah maprawerti

Putusan pasēban Dēsa Pakraman Serangan gumawē Awig-awig, maka sepat siku-siku pamatut, wastu kasidan prayojana mami kabēh prasama angidep muah amagehaken kadi linging awig-awig puniki

OM Śan̄thi, Śan̄thi, Śan̄thi OM

NIYASA LAN SESANTHI
DĒSA PAKRAMAN SERANGAN

1. NIYASA.

- ha. Ongkara maka lambang Hyang Widhi Wasa pinaka Ngutpeti, Sthiti, Pralina.
- na. Undagan Candi tetiga mapiteges Tri Hita Karana.
- ca. Badawangnala (Penyu) dasar pulo / jagat.
- ra. Ombakan Segara (Genah Pulo).
- ka. Keris (Katajapan / panunggalan Bayu Sabda Idep).
- da. Rantē mapiteges pasikian Banjar ring Dēsa Pakraman Serangan.
- ta. Padi lan Kapas mapiteges kajagadhitaan (Panca Wa).

2. SESANTHI.

ha. JÑANAM DWIPA KENCANA

- Jñana / pakayunan = Sira angen-angen (Serangan).
- Dwipa = Jagat / Pulo.
- Kencana = Mas, cihna gemah ripah / Jagadhita.

na. Kasuksmanya :

Sangkaning tajep utawi panunggalan pakayunan (sirāngen) ngaptiang jagat landuh kertha raharja mawastu mas mirah.

PIDAGING

MAKA BANTANG AWIG-AWIG DĒSA PAKRAMAN SERANGAN

MURDHA CITTA	pra	1
NIYASA LAN SESANTHI	pra	3
PIDAGING	pra	4
Prathamas Sargah ARAN LAN WEWIDANGAN DĒSA		1
Dwitiyas Sargah PETITIS LAN PAMIKUKUH		1
Tretyas Sargah SUKERTA TATA PAKRAMAN		2
Palet 1. Indik Krama		2
Palet 2. Indik Kaweruhan, Pakaryan, Kawarasan lan Katreptian		5
Palet 3. Indik Prajuru		6
Palet 4. Indik Paruman		9
Palet 5. Indik Kulkul		10
Palet 6. Indik Druwĕn Dĕsa		12
Palet 7. Sukertha Pamitegep		13
Kaping 1. K a r a n g		13
Kaping 2. Papayonan		14
Kaping 3. Wawalungan		15
Kaping 4. Wewangunan		15
Kaping 5. Dusta lan Baya		16
Kaping 6. Penyanggran Banjar		16
Caturthas Sargah SUKERTA TATA AGAMA		17
Palet 1. Indik Dĕwa Yajnya		17
Palet 2. Indik Resi Yajnya		20
Palet 3. Indik Pitra Yajnya		21
Palet 4. Indik Manuṣa Yajnya		23
Palet 5. Indik Buta Yajnya		23

Pancamas Sargah	SUKERTA TATA PAWONGAN.....	26
Palet 1.	Indik Pawiwahan	26
Palet 2.	Indik Nyapihan	28
Palet 3.	Indik Sentana	30
Palet 4.	Indik Waris	31
Şađ Sargah	WICARA LAN PAMIDANDA	32
Palet 1.	Indik Wicara	32
Palet 2.	Indik Pamidanda.....	32
Saptamas Sargah	NGUWAH NGUWUHIN AWIG AWIG.....	33
Aşđamas Sargah	SAMAPTA.....	33

Luwir Petitis Dēsa Pakraman Serangan :

- ha. Ngrajegang Agama Hindu, majalaran ngamanggehang Panca Srada, astiti bhakti ring Ida Sang Hyang Widhi Waśa.
- na. Ngraketang pasikian kramanē, nemasang tulung tinulung lan negtegang susila tata krama saking sinar kasucian agama.
- ca. Ngrajegang kasukerthan Dēsa saha pawongannya sekala lan niskala manut ring Catur Purusa Artha (Dharma, Artha, Kama, Moksa).
- ra. Mahayu, mihara kalih ngupacara sakaluwiring sanē dados amongan Dēsa.

Tretyas Sargah

SUKERTA TATA PAKRAMAN

Palet 1

Indik Krama

Pawos 4

- (1). Pepalihan krama ring Dēsa Pakraman Serangan inggih punika :
 - ha. Krama Dēsa.
 - na. Krama tamiyu.
 - ca. Tamiyu.
- (2). Warga **krama Dēsa**, sahanan sang jenek mapaumahan ring Dēsa Pakraman Serangan sanē magama Hindu, tur sampun jumenek sakirang-kirangnyanē ngawit saking warsa klasiran daērah 1948 saha sampun maduwē Paibon kabawos *krama muwed*.
- (3). Tata Cara tedun makrama Dēsa :
 - ha. Yaning Warga krama banjar sampun marabian masuwē abulan pitung dina (42 dina) saking upakara pawidi-widana / pasakapannyanē.
 - na. Yaning krama sampun marabian sakadi munggah ring ajeng raris maduwē oka adiri tur sampun marabian patut okannyanē katedunang malih sakadi pangayah (kadadosang ngentosin ayah i rerama).

- (4). Warga krama banjar / dēsa sanē kantun marabi yaning maduwē oka lintang ring adiri (oka lanang), tur pada marabian patut tedun ngayah sajawaning adiri sanē kaserahang ayah tua :
- ha. Yaning sanē kaserahang ayah tua punika padem salah tunggil i rerama kadadosang ngidih ayah ring okannyanē sanē sampun marabian siosan. Sanē katinggalin padem punika lanang wiyadin istri, katedunang ngayah balu.
 - na. Warga krama banjar / dēsa sanē maduwē oka lanang asiki lan sampun marabian wenang ayahnē kagentosin antuk okanē punika.
- (5). Mungguing ayah-ayahan :
- ha. Warga krama banjar / dēsa sanē ila, buduh, buta, rumpuh sanē sampun marabi, ayah-ayahan lan pepeson pateh sakadi balu.
 - na. Warga krama banjar / dēsa sanē bongol, bega, ayan sanē sampun marabi, ayah-ayahan lan pepeson ngarep.
- (6). Mungguing lelututan :
- ha. Jadma ubuh katinggal mēmē / bapa, teruna nglisting luput ayah lan pepeson, sajawaning patus.
 - na. Warga krama banjar / dēsa yaning nēnten maduwē oka / maduwē oka istri kēmanten, yaning sampun mayusa 55 warsa dados prai ayah.
 - ca. Warga krama banjar / dēsa sanē luput ayah miwah pepeson sajawaning pantus, yaning sampun ruyud (mayusa 55 warsa) utawi sakit nēnten dados ngayah wekasan.

Pawos 5

- (1). Sanē kabawos **krama Tamiyu** inggih punika, warga dura dēsa sanē magenah netep wiyadin makarya ring wewidangan Dēsa Pakraman Serangan.
- (2). Swadarmaning krama Tamiyu :
- ha. Kapatutang makta ilikita tur nyukserahang ring sang nampi dunungan sanē pacang kasadokang ring prajuru.

- na. Pradē krama tamiyu / dura dēsa sampun ngarangin saha magenah netep masuwē 3 (tigang) sasih :
1. Patut tedun ngayah dados krama Banjar / Dēsa.
 2. Menawi nēnten prasida mamata-matu kawēhin ngentosin ayahan antuk jinah nyabran sasih, manut pararem.
- ca. Pradē krama tamiyu inucap numpang ring sakuwuban banjar / dēsa pakraman salami asasih :
1. Kapatutang naur urunan ring banjar / dēsa manut pararem.
 2. Hak ipun wantah polih pangayom kabancanaan kēmaon.
- ra. Pradē Krama Tamiyu inucap tan manut ring swadarma banjar / dēsa sanē maduwē tamiyu, kasisipang antuk Banjar / Dēsa Pakraman sakwēh sanē patut kataur olih tamiyu inucap.

Pawos 6

- (1). Sanē kabawos **tamiyu** inggih punika warga / panumpang miwah makarya ring wewengkon Dēsa Pakraman Serangan.
- (2). Swadarmaning tamiyu inucap :
 - ha. Sajawaning majalaran ilikita pastika taler sakadi ring sor.
 - na. Pradē tamiyu ngelisting, lanang wiyadin istri sanē wēnten pakadangan suwēn ipun jumenek liwat asasih kapatutang naur urunan nyabran sasih ring Banjar / Dēsa manut pararem.
- (3). Pradē wēnten tamiyu maduwē pakarangan sakēwanten :
 - ha. Nēnten jumenek ring dēsa kakenēn urunan / pepeson nyabran sasih.
 - na. Jumenek antuk ngontrak, mautsaha saha maduwē pakaryan pastika patut keni urunan ka Banjar / Dēsa nyabran sasih manut pararem.

Pawos 7

- (1). Klēsa makrama dēsa sangkaning magingsir genah miwah kanorayang :
 - ha. Sangkaning magingsir, menawi kēsah ka dura dēsa ngrereh karya tur netep ring genah inucap, kadulurin nunas mapamit dados krama mawiwit rahayu.
 - na. Mawiwit kanorayang / klēsa sangkaning parilaksana ngarugada ring banjar / dēsa tan prasida ngesēhin solah maprawerti, risampun kadasarin antuk pangertan banjar / dēsa jantos kapastikayang ring paruman.
- (2). Krama sanē kawusang :
 - ha. Tan polih pahan paduwēn banjar / dēsa pakraman.
 - na. Sampun kasinanggeh warga siyos ring banjar / Dēsa Pakraman Serangan.

Pawos 8

- (1). Sanē kabawos tulak minci wiyadin tulak wali, inggih punika krama sanē pecak magingsir mapamit ka dura dēsa wiyadin sangkaning kanorayang, mawali nedunin makrama banjar / Dēsa Pakraman Serangan
- (2). Tulak wali wiadin megingsir ka dura dēsa katerima malih antuk rahayu maduluran bendu piduka, pajati pakēling, saha pamogpog pah tigaan saking pangranjing makrama anyar.
- (3). Pangranjing makrama malih saking kanorayang kēngin katerima risampun buntas parilaksana utawi artha brana wiwilan pecak kanorayang, saha kadasarin ngaksama ring paruman saha upakara bendu piduka pajati pakēling ring Pura Dēsa.

Palet 2

Indik Kawuruhan, Pakaryaan, Kawarasan lan Katreptian

Pawos 9

- (1). Kawuruhan :
 - ha. Warga Dēsa sakirang-kirangnyanē polih kawuruhan / pendidikan dasar 9 warsa (Tamat SMP).

- na. Warga sanē ubuh katinggal mati mēmē muah bapa lan nēnten mampu, kawantu olih dēsa indik pendidikan ipun (langsung utawi majalaran bēasiswa).
 - ca. Dēsa wenang nguwēhin kawēntenan sarana pendidikan ring wewengkon dēsa.
- (2). Pakaryaan :
- ha. Pangusaha sanē maduwē usaha ring wewengkon Dēsa Pakraman Serangan kapatut ngrereh tenaga kerja saking warga dēsa manut swaginannyanē.
 - na. Manut swagina sowang-sowang krama.
- (3). Kawarasan :
- ha. Dēsa wenang ngwantu warga indik kesēhatan majalaran antuk panyuluhan lan ngutsahayang sarana prasarana kesēhatan
 - na. Krama Dēsa patut miara wewidangan minakadi marerisak ring paumahan suang-suang.
- (4). Kasutreptian :
- ha. Ring sajeroning nyanggra pakaryan adat lan agama kamargiang antuk pecalang Dēsa.
 - na. Tetegenan krama patut matetulung sajeroning panca bhaya.

Palet 3

Indik Prajuru

Pepalihan Prajuru Dēsa

Pawos 10

Dēsa Pakraman Serangan kaēnterang / kapidabdab antuk :

- (1). Paruman Dēsa.
- (2). Sabha Dēsa (wali sowang-sowang banjar).
- (3). Kertha Dēsa (Prajuru Lepas / Panglingsir).
- (4). Prajuru luwirē :
 - ha. Bendēsa.
 - na. Patajuh (Parahyangan, Pawongan lan Palemahan).
 - ca. Panyarikan.
 - ra. Patengen.

- ka. Kasinoman.
 - da. Pangremba (para Kelihan Banjar).
- (5). Sajeroning tetimbang ngēterang dēsa kadegang sabha dēsa, maka miwah matutang utawi muputang wicara kadegang kertha dēsa, sanē mawiwit prajuru lepas muah panglingsir dēsa, adiri maka panua saha angka muah panyarikan kaangkep antuk panyarikan dēsa.
 - (6). Rikala pangrestiti ring Kahyangan Dēsa, Bendēsa mingsingghang pamangku kahyangan tiga.
 - (7). Mungguwing pepalihan, ngadegang, swadarma muah swadikara saha wusan madeg prajuru banjar, sekaa teruna (maka anak-anaking banjar) kapakusara ring banjar pakraman, utawi sekaa sowang-sowang manut pararem.

Pawos 11

Pangadegan, swadarma lan swadikara Prajuru, Sabha saha Kertha Dēsa :

(1). Bendēsa Pakraman Serangan :

ha. Kaadegang malarapan pamilihan :

1. Saking krama pangarep / muwed.
2. Calon kasyagayang antuk Sabha Dēsa (saking prajuru lami utawi anyar) : sanē pawikan ring sastra agama, undagi plutuk dēwa, kalpa tatwa (adat, agama lan budaya Bali) saha tetep jumenek ring Dēsa Pakraman Serangan.
3. Pikolih suara makēhan sinanggeh Jero Gedē Bendēsa, sanē nglantur mastikayang pangwantu.
4. Panumaya ngayah salami 5 warsa sajawaning pariindik tiyos tur kangkat malih 5 warsa salanturnyanē.
5. Matur upasaksi ring Pura Kahyangan Tiga lan Paibon.

na. Tetegenan / swadarma Prajuru :

1. Pradē nglaksanayang swadarma, Bendēsa kapialang kēngin kawalinin antuk Panyarikannyanē

2. Ngwēntenang usaha, nincapang pamargin Tri Hita Karana, pamatut wicara lan siyosan punika, sanistanē ngawarsa apisan bilih-bilih langkungan ring ajeng paruman dēsa.

ca. Olih-olihan Prajuru :

1. Cihna yasa swadarma riwusannyanē.
2. Leluputan urunan (naur prabēya muah mamata matu).
3. Pangupeti / persēn dana sanē ngranjing ka dēsa utawi apah tigaan saking kekeracēn rikala wēnten panauran ring kahyangan tiga.

ra. Wusan dados Prajuru :

1. Sangkaning pinunas ngraga menawi sungkan-sungkanan magingsir genah ka dura dēsa.
2. Sangkaning panemaya.
3. Sangkaning kawusang, saantukan tan prasida ngesēhin salah maprewerti.

(2). Sabha Dēsa Pakraman Serangan :

ha. Kaadegang malarapan tetragian Bendēsa sajeroning paruman mastikayang pangwantu :

1. Makwehan krama Dēsa saking sowang-sowang banjar manut pararem sauningē ring tata titi kramaning agama budaya lan adat.
2. Sampun tetep jumenek ring wewidangan Dēsa Pakraman.
3. Adiri dados Panua saha kamiletin saking angga, kawantu Panyarikan Dēsa.
4. Panumaya ngayah salami 5 warsa sawawaning pariindik siyos tur kangkat kaadegang malih.
5. Ngaturang pajati upasaksi ring Pura Dēsa.

na. Swadarma Sabha Dēsa :

1. Mapawēh tetimbang ring prajuru Dēsa rikala ngamargiang Tri Hita Karana.
2. Nerima pangutsaha / LPJ mungguwing pamargin Tri Hita Karana saking Prajuru.
3. Nragiang pangentos wiyadin pangadegan Prajuru lan Kertha Dēsa.

ca. Petias / Hak Sabha Dēsa :

1. Cihna yasa swadarma riwusannya.
2. Luput manut pararem.
3. Pangupetin (persētase) dana pangranjing ka Dēsa.

ra. Wusan dados Sabha Dēsa, pateh sakadi tata titi wusan dados Bendēsa.

(3). Kertha Dēsa Pakraman Serangan :

ha. Kaadegang malarapan cumawisan saking Bendēsa :

1. Mawiwit Prajuru Lepas, sanē sauninga ring panepas wicara.
2. Makwehnyanē 5 diri, siki pinaka panua kawantu Panyarikan Dēsa saha angga.
3. Kaadegang salami 5 warsa sajawaning pariindikan tiyos saha kangkat kaadegang malih.
4. Sinarengan prajuru matur piuning upasaksi ring pura Dēsa.

na. Swadarma Kertha Dēsa :

1. Nimbangin kawēntenan wicara utawi ngamargiang pangertan dēsa gumanti prasida ngrereh pamatut.
2. Pradē jantos nincap sangkepan Dēsa pacang mastikayang pararem wastu pamuput.

ca. Petias / hak Kertha Dēsa, pateh sakadi petias Bendēsa wiyadin Sabha Dēsa.

ra. Wusan dados Kertha Dēsa :

1. Sangkaning lina.
2. Pinunas ngraga menawi sungkan-sungkanan.
3. Sangkaning Panumaya.
4. Sangkaning kawusang.

Palet 4

Indik Paruman

Pawos 12

(1). Luwir peparuman sanē wēnten ring Dēsa Pakraman Serangan :

ha. Paruman krama dēsa.

- na. Paruman krama Banjar.
 - ca. Paruman Prajuru Banjar / Dēsa.
 - ra. Paruman Sekaa Teruna.
- (2). Tata caraning peparuman Dēsa / Sabha Dēsa :
- ha. Kawēntenang sanistanē awarsa apisan.
 - na. Kamiletin antuk walin-walin Dēsa saking duta Banjar sanē kapastikayang pascacat ring agama adat lan budaya, kēngin nēnten ngamiletin pradē kapiyalang.
 - ca. Kakawitin antuk suaran kulkul utawi galah pastika, maduluran canē kabarbarang olih Panua Sabha antuk lekita mungguwing tetujon sangkep saking Panyarikan.
 - ra. Mungguwing bantang sangkepan napikē nerima pasadok pamargin Tri Hita Karana saking prajuru / LPJ, napi pacang nragiang pangentos prajuru, lan sapanunggilan punika sanē patut kabligbagang saha kacumponin dedosan pararem.
 - ka. Pidaging paruman gilik saguluk, maka pamutus sinanggeh pararem Dēsa Pakraman Serangan.
- (3). Tata cara sangkepan Kertha Dēsa, kamargiang manut swadarmaning Kertha Dēsa ring ajeng majalaran pinunas bawos sang mawicara utawi pinunas saking Prajuru Dēsa saantukan katodya ngrugada ring kasukerthan Dēsa.
- (4). Tata cara Paruman Banjar, Sekaa Truna muah sekaa sanē makilitan ring pakraman Dēsa / Banjar kasukserah ring pakraman inucap sowang-sowang.

Palet 5

Indik Kulkul

Pawos 13

- (1). Kulkul ring Dēsa Pakraman Serangan wēnten mah tiga :
- ha. Kulkul Dēsa.
 - na. Kulkul Banjar.
 - ca. Kulkul Sekaa.

(2). Tabuh utawi suaran kulkul matiyosan manut tetujonnyanē, luwirē :

ha. Kulkul Dēsa.

1. Rikala Ngayang ring Dēsa
2. Rikala Pacaruan / Patoyan.
3. Rikala Sangkep Dēsa.

na. Kulkul Banjar.

1. Rikala wēnten kalampusan.
2. Rikala wēnten pakaryaan Banjar.
3. Rikala wēnten Bhaya (ngamuk, kamalingan, kelem / anyud).
4. Rikala Sangkep Banjar.

ca. Kulkul sekaa manut wiguna.

(3) Kulkul dēsa / banjar tan wenang kasuarang yan tan sangkaning pituduh prajuru, sajawaning tengeran kapanca bhaya (genibhaya, ngamuk, kamalingan, kaplegandang, kabaak / bhayapati sēwosan).

(4) Sang nepak tan sangkaning pituduh, patut digelis atur upēksa, pradē mamurug kadanda manut pararem.

(5) Yan wēnten suaran kulkul tengeran panca bhaya, patut katedunin olih krama dēsa saha makta gegawan manut pararem.

(6) Suaran Kulkul / tabuh kulkul manut Catur Maha Suara Manggala Dara, sanē kasinahang ring dēsa Pakraman Serangan inggih punika :

ha. Pararem / Swakarya, tabuh pisan nganutin wirama : gangsar, lambat, gangsar: ◡◡◡◡ - ◡ ◡ ◡ ◡ - ◡◡◡◡

na. Upacara Agama / Patoyan ring Pura Kahyangan Tiga, nung tit, banban. :

◡ ◡ ◡ ◡ ◡ ◡ ◡ ◡ ◡ ◡ ◡ ◡

ca. Panca Bhaya, tulud bulus :

◡◡◡◡◡◡◡ - ◡◡◡◡◡◡◡ - ◡◡◡◡◡◡◡

ra. Kelampusan, tulud pisan, tabuh tiga : ◡ - ◡ - ◡.

ka. Nusang / nyiramang layon : ◡ ◡ ◡ ◡ ◡

da. Ngilidang layon ka sētra : ◡ ◡ ◡ ◡ ◡ ◡

Palet 6

Indik Druwēn Dēsa

Pawos 14

- (1). Pura Kahyangan Tiga, Pura Segara, Pura Melanting muang Sētra.
- (2). Druwēn dēsa minakadi palawatan (tapel Ratu Ayu Lingsir lan Ratu Ayu Alit, Dēwa Rangda, Jro Luwih, Pralingga / Pratima asapunika taler tapel topēng / telek) jangkep saha panganggē miwah gelungannyanē lan gamelan / gong patut kapihara (kalestariang).
- (3). Tanah / tegal sanē kadruwē antuk pura amongan krama dēsa kawastanin palaba pura, puniki patut kaēnterang antuk krama dēsa kapiteges ring prajuru dēsa manut pararem.
- (4). Krama Dēsa, yadin sapisira ugi tan kuasa ngadol, ngadēang, nukar tanah / tegal palaba pura ring ajeng, sajawaning kacumponin saking pararem mamaosang indik punika.
- (5). Padruwēn Dēsa Pakraman Serangan sanē marupa sētra wantah genah mendem sawa krama banjar / dēsa.
- (6). Krama banjar / dēsa, maduwē wewenang tur ngatur ngamecikang mamiara miwah midabdab pamendeman ring sētra inucap, manut pararem.

Pawos-15

- (1). Usaha Dēsa sanē kasangkreb antuk Dēsa wantah Pasar Dēsa, LPD (Lembaga Perkréditan Dēsa), Taman Penyus (Pusat Pendidikan dan konservasi Penyus), Dermaga lan Parkir, sanē kaayomin olih Yayasan Pembangunan Dēsa Serangan.
- (2). Usaha-utsaha utawi pangusaha siyosan sanē magenah lan nglaksanayang usaha ring sawengkon wewidangan Dēsa Pakraman Serangan patut ngaturang upeti ka dēsa manut pararem dēsa.

Palet 7

Sukertha Pamitegep

Kaping 1

K a r a n g

Pawos 16

Palemahan lan Pasisi :

- (1). Pasisi pulo Serangan kaenterang olih Dēsa lan pemerintah, kaanggēn ngajegang lan karaharjan krama sami, minakadi sarwa prani (kekayonan lan sato) upaminipun: prapat (bakau), cemara pasih, terumbu karang, penyu utawi ulam pasih liyanan sanē arang, lan sakaluwiring paksi.
- (2). Dēsa Pakraman Serangan wenang ngēnterang indik luhu (sampah) mangda palemahan dēsa asri.
- (3). Kawēntenan banjar ring Dēsa Pakraman Serangan nēnten dados kaimbuhin malih nanging yaning kobet pisan wantah ngaryanin *tēmpēkan* kēmanten.
- (4). Manut Perda No. 3 tahun 2001, warga Kampung Bugis wantah munggah ring awig-awig sutreptining widang Pawongan lan Palemahan.

Pawos 17

- (1). Tanah duwēn Dēsa Pakraman Serangan :
 - ha. Tanah tegal sanē magenah ring sisi kangin Pura Segara.
 - na. Tanah ring genah melasti ngantos ka sētra.
 - ca. Tanah ring Pasar Dēsa.
- (2). Pah-pahan genah manut kawigunannyanē ring dēsa :
 - ha. Pasisi kalēr genah melasti, nelayan lan dermaga.
 - na. Jalan Dēsa anggēn mamintar lan sanē lianan.
 - ca. Ring Ajeng kantor Lurah anggēn lapangan, perkantoran lan terminal.
 - ra. Ring kalēr Banjar Kaja kaanggēn Pasar dēsa lan kantor LPD.
 - ka. Ring sisi kelod kanal (Dangin Jembatan BTID kaanggēn Parkir Rahina Kuningan manut sakadi MoU Sareng BTID lan peta partisipatif dēsa);

- da. Tanah ring kalēr sētra kaanggēn Taman Penyu (Pusat Konservasi dan Ēdukasi Penyu).
- ta. Ring wewidangan Ponjok (pasisi lan segara) kaanggēn Genah Wisata Bahari.
- sa. Inggihan indik bawos (2) ha ngantos ta, kasurat ring Peta Partisifatif dēsa pakraman Serangan pinanggal 22 Maret 2003.

Pawos 18

Pakarangan Warga :

- (1). Warga dēsa / banjar sanē sampun madrebē karang paumahan patut mawates antuk tēmbok wiyadin pagehan.
- (2). Wates sanē marep kamarginē patut taler katēmbok saha tlajakannyanē kapiara antuk sang madruwē karang.
- (3). Yaning ngwangun tan kuasa ngungkulin raab pawangunan anak tiyos, napi malih nglintangin wates.
- (4). Tan kuasa ngentungang luhu-luhu miwah layudan ka pakarangan / ka segara duwaning sampun wēnten genahnyanē.

Kaping 2

Pepayonan

Pawos 19

- (1). Ngawit nanem pepayonan tanem tuwuh patut adepa agung (2 mēter) ngajeroang saking wates pakarangan.
- (2). Yaning wēnten sinalih tunggil krama banjar / dēsa nandur madampingan ring genah parhyangan wiyadin paumahan, paembang ipun saking panyengker patut paling kidik adepa agung.
- (3). Yaning wēnten kakatonang pepayonan sanē pacang ngrauhang baya / mayanin ring parhyangan / paumahan anak sēwosan luwirē ngungkulin, akah ipun ngrusak patut kekayonan punika kaangkat / kapademang sanistanē kasepat gantungin.
- (4). Pamulan-mulan / pepayonan sanē kapatutang maebah, patut kalaksanayang antuk sang maduwē.

- (5). Yaning wēnten pamulan-mulan bah wiyadin empak, sanē malarapan antuk ganjih, berek ninggii, tur mayanin wewangunan paderbēn anak lian, sang maderbē pamulan-mulan punika patut negen prabēya wewangunan miwah upakara pamrascita pakarangan.
- (6). Ritatkala ngebah pamulan-mulan, raris mayanin wewangunan anak lian, sang ngebah punika patut nanggung sakancan karusakan miwah prabēya upakara prayascita.

Kaping 3

Wewalungan

Pawos 20

- (1). Warga dēsa sanē miara wewalungan luwir ipun bantēng, kambing, bawi miwah sanē siyos-siyosan patut sayaga negul wiyadin nglogorin mangda ubuh-ubuhan punika nēnten ngrusak karang utawi abian anak sēwosan, bilih-bilih mangda sampunang jantos ngranjing / ngletehin parhyangan.
- (2). Yaning wēnten wewalungan ngrusak paabyanan, wiyadin pamula-mulan anak lianan, sang maderbē wewalungan kasisipang nawur prabēya pamula-mulan sanē karusak.
- (3). Pradē wewalungan ngelēb ngranjing ka kahyangan, sang madruwē wenang kasisipang antuk danda prabēyan upakara pamarisuda sapatutē.
- (4). Tan wenang negulang wewalungan ring genah sakadi sor puniki:
 - ha. Genah suci / parhyangan.
 - na. Margi agung.
 - ca. Pakarangan lan tlajakan dēsa.

Kaping 4

Wewangunan

Pawos 21

- (1). Yaning ngwangun patut masadok ring prajuru, ping ajeng pradē wewangunan punika jaga ngeninin wates, tan nyayubin kapisaga, taler nganutin pituduh sang mawa rat (IMB).

- (2). Pradē wewangunan jantos nyayubin, tēmbok ring telenging wates kawarah masadok ring prajuru lan wenang kadanda manut pararem saha tēmbok punika patut kagubar utawi sanistanē kakaryanang abangan.

Kaping 5

Dusta lan Bhaya

Pawos 22

- (1). Sanē ketah kabawos panca bhaya luwirē:
- ha. Jiwa bhaya.
 - na. Artha bhaya (kapandangan).
 - ca. Geni bhaya (puhun).
 - ra. Wē bhaya (anyudang ombak).
 - ka. Dura cara ring agama.
- (2). Warga dēsa yaning uning ring jadma sanē pacang malaksana dusta, patut digelis matur uning ring prajuru.
- (3). Sang manggihin kahanan jiwa bhaya patut nyuarayang kulkul, utawi sang kapandangan masadok ring prajuru sanē pacang nimbangin tur mutusang ring dusta inucap.
- (4). Pradē wēnten katunuan / utawi anyudang ombak patut nyuarayang kulkul saha katedunin antuk sahanan warga dēsa saha makta gegawan manut rupan bhayanē.
- (5). Sang duracara ring agama wenang jadma punika kadanda manut pararem.

Kaping 6

Panyanggran Banjar

Pawos 23

- (1). Ritakala ngwangun yajnya suka duka, kēngin nunas panyanggran banjar luwirē sajeroning Panca Yajnya (Dēwa Yajnya, Pitra Yajnya, Rsi Yajnya, Manusa Yajnya, Bhuta Yajnya) taler sanē sios ring punika.
- (2). Krama banjar kaaturin panguing manut wibuh kancit karyanē.

Palet 7

Sukertha Pamitegep

Kaping 1

K a r a n g

Pawos 16

Palemahan lan Pasisi :

- (1). Pasisi pulo Serangan kaēnterang olih Dēsa lan pemerintah, kaanggēn ngajegang lan karaharjan krama sami, minakadi sarwa prani (kekayonan lan sato) upaminipun: prapat (bakau), cemara pasih, terumbu karang, penyu utawi ulam pasih liyanan sanē arang, lan sakaluwiring paksi.
- (2). Dēsa Pakraman Serangan wenang ngēnterang indik luhu (sampah) mangda palemahan dēsa asri.
- (3). Kawēntenan banjar ring Dēsa Pakraman Serangan nēnten dados kaimbuhin malih nanging yaning kobet pisan wantah ngaryanin *tēmpēkan* kēmanten.
- (4). Manut Perda No. 3 tahun 2001, warga Kampung Bugis wantah munggah ring awig-awig sutreptining widang Pawongan lan Palemahan.

Pawos 17

- (1). Tanah duwēn Dēsa Pakraman Serangan :
 - ha. Tanah tegal sanē magenah ring sisi kangin Pura Segara.
 - na. Tanah ring genah melasti ngantos ka sētra.
 - ca. Tanah ring Pasar Dēsa.
- (2). Pah-pahan genah manut kawigunannyanē ring dēsa :
 - ha. Pasisi kalēr genah melasti, nelayan lan dermaga.
 - na. Jalan Dēsa anggēn mamintar lan sanē lianan.
 - ca. Ring Ajeng kantor Lurah anggēn lapangan, perkantoran lan terminal.
 - ra. Ring kalēr Banjar Kaja kaanggēn Pasar dēsa lan kantor LPD.
 - ka. Ring sisi kelod kanal (Dangin Jembatan BTID kaanggēn Parkir Rahina Kuningan manut sakadi MoU Sareng BTID lan peta partisipatif dēsa);

- na. Pujawali ring Pura Puseh / Pura Dalem Cemara: rahina Budha Umanis Medangsia kasanggra olih Dēsa santukan pinaka Pura Puseh. Lan Rahina Budha Kliwon Sintha (Pagerwesi) kasanggra olih kulawarga Mangku Rampun santukan pinaka Pura Penataran (cagar budaya).
 - ca. Pujawali Pura Dalem Kahyangan : Saniscara Kliwon wuku Wayang (Tumpek Wayang).
 - ra. Pujawali Pura Segara : nyabran Purnamaning Kapat.
 - ka. Pura Melanting : Buda Wagē Klawu / Buda Cemeng Klawu.
- (4). Satunggil karya patoyan utawi piodalan ring pura amongan, krama banjar / dēsa patut rawuh ka pura makadi ring sor puniki:
- ha. Krama banjar / dēsa sanē keni nanggap patut ngaturang ayah nyantos puput patoyan / piodalan.
 - na. Teruna teruni banjar / dēsa patut ngayah ring pura, manut piteges prajuru banjar / dēsa.
 - ca. Yaning krama banjar / dēsa sanē keni nanggap kapiambeng, ayahan punika patut katiwakang ring krama banjar siosan manut piuning / pituduh prajuru dēsa.
 - ra. Rikala rahina patoyan / piodalan punika patut krama banjar / dēsa rawuh tangkil muspa / ngaturang canang sari manut dresta tata kramaning ka pura.

Pawos 25

- (1). Sanē tan kapatutang ngranjing ka pura muspa / ngaturang canang luwir ipun:
- ha. Sanē kacuntakan / kasebelan.
 - na. Sanē keni sakit ila.
 - ca. Jadma buduh.
 - ra. Sang nyebelin dēwēk.
 - ka. Tan masanē masa, sadurung polih panugrahan.
- (2). Sajeroning panyengker pura tan dados :
- ha. Mabacin, mawarih.
 - na. Manyonyoin.

- ca. Masanggama.
- ra. Masalin wastra, ngambahang rambut, malalung.
- ka. Manemah-nemah, mabawos bangras sanē ngwetuang iyeg, majajal.
- da. Menēk palinggih, panyengker pura yaning tan polih panugrahan prajuru.

Pawos 26

- (1). Upacara ngupasaksi ka Widhi, yaning manut agama Hindu, kaupasaksi ring Pura Dēsa,
- (2). ~~Sanē madeg ngamong praja / pemerintah, patut kaupasaksi ring Pura Puseh.~~
- (3). Upacara / Upadrawa / Sumpah sanē malarapan saking sang mawicara patut kadēwasaksi ring Pura Puseh.

Pawos 27

- (1). Yaning Rerainan ring Pura katemu Nyepi, upacara kalaksanayang wantah saking jam roras (12 peteng) nyantos jam 4 semeng, upakarannyanē wantah dapetan lan kalaksanayang olih Pamangku kēmanten. Paotonan manusa nēnten dados kalaksanayang.
- (2). Mamintar kalaksanayang ring rahina Tilem Kanem, nglintangin wewidangan Dēsa sanē sampun kacumponin / manut dresta taler sonasi ring Peta partisipatif Dēsa.
- (3). Dēsa nglaksanayang upacara Ngusaba, nyuciang buana agung lan buana alit saha nunas karahayuan lan karahajengan ring Ida Sang Hyang Widhi Wasa (manut ring sajeroning sastra agama).
- (4). Rikala ngadakang dēwa yajnya yaning nganggē sato utawi pepunyan sanē sampun kaayomin olih Guru Wisēsa (Pemerintah), minakadi penyus utawi sanē lianan, mangda nganutin uger-ger sanē mamargi. Penyus kaanggēn yaning yajnya punika wantah Padudusan Agung Utama (nganggē sanggar tawang rong tiga) manut sakadi Bhisama Pandita Parisadha Hindu Dharma Indonēsia.

Indik Resi Yajnya

Ring sowang-sowang Pura patut wēnten pamangku.

- (1). Ngadegang pamangku patut nganutin dudonan piteket kadi ring sor :
 - ha. Ngwilang saking turunan.
 - na. Nunas pamuwus / nyanjan.
 - ca. Kacatri, kapilih, katunjuk olih krama dēsa.
- (2) Prabēya ngupakara ngwintenang (Adhiksa Widhi) pamangku, ring Kahyangan Tiga kamedalin antuk krama dēsa. Genah upakarannya patut ring pura sanē pacang kaamongin.
- (3) Ring Pura Kahyangan Tiga, Segara lan Melanting (amongan Dēsa Pakraman) patut kaadegang / kawēntenang Pamangku. Kēngin taler kawēntenang Panyadē Pamangku manut kabuatan lan pararem.
 - ha. Sinalih tunggil pamangku ring Kahyangan Tiga kapiambeng pangacinē dados kamargiang antuk sinalih tunggil pamangku sanē tan kapiambeng, wiyadin antuk panyandēnnyanē. Yaning pradē sami kapiambeng, pangacinē kamargiang antuk pamangku sanē karasayang sumaih ring pamangku Kahyangan Tiga.
 - na. Kapatutang nampa panugrahan ritatkala ngaturang / ngamargiang ilēn-ilēn luwir ipun muspa, ngaturang canang, miwah sanē siyos-siyosan, kamargiang antuk pamangku prasanak.
- (4). Sanē tan dados kaanggēn / kaadegang pamangku :
 - ha. Cēda angga, luir ipun: pēcēng, pērot, sēngkok, cunghih, belang, jeriji tuna, jeriji lebih, bidug, bancih lan sapanunggilannya.
 - na. Sang sapa sira ugi sanē tan kapatutang manut pararem.
 - ca. Sakit ila, ayan, buduh utawi ēdan.

- (1). Swadharmaning pamangku luwirē:
 - ha. Ngēnterang upacara piodalan ring Kahyangan utawi ring sowang-sowang pakubon krama.

- na. Tan wenang salab-sulub, yan mamurug wenang pamangku inucap nyepuhin raga.
 - ca. Mareresik ring Pura sanē kagambel.
 - ra. Nglaksanayang dharmaning agama pinaka panuntun umat / krama.
- (2). Petias utawi olih-olihan pamangku luwirē :
- ha. Pamangku wenang ngamolihang sarin canang.
 - na. Pamangku sanē kasangkreb antuk dēsa luput saking ayah-ayahan lan pepeson dēsa.
 - ca. Pamangku sanē kasangkreb olih dēsa polih busana 2 stel (lanang istri) nyabran atiban tur dēsa ngutsahayang indik kawarasan maduluran antuk asuransi kesēhatan.
 - ra. Yaning Pamangku sanē kasangkreb olih dēsa lampus (lanang / istri), dēsa patut ngadakang pangabēnan ngantos nyekah / manukur.
 - ka. Pamangku sanē kasangkreb olih dēsa dados nēnten sareng magebagan rikala wēnten warga sanē lina / layon nginep.

Palet 3

Indik Pitra Yajnya

Pawos 30

- (1). Sapasira ugi pacang ngabēn, patut masadok ring prajuru banjar / dēsa pakraman.
- (2). Yusan jadma padem pacang kaabēnan inggih punika : rarē sadurung maketus patut ngabēn nglungah. Saking maketus ngantos salantur ipun patut kaabēnang (mapangentas).
- (3). Pangabēnan ngerit, kaēnterang olih prajuru dēsa pakraman manut daging pararem sanē kacumponin. Dana punia dēsa pakraman kaatur olih prajuru dēsa manut pararem.
- (4). Ngabēn ring sakuwuban Dēsa Pakraman Serangan manut dresta, tan masarana geni (nēnten nunjel sawa).

Pawos 31

- (1). Swadarma lan tetegenan pradē wēnten sinalih tunggil krama dēsa kalayu sekar / lina, swadarmaning sang kaduhkitan :

- ha. Masadok ring Kelihan Banjar.
 - na. Nunas pamargi tata upacara ring Kelihan Banjar / prajuru dēsa pakraman
 - ca. Tigang rahina risampun layonē kapendem wenang sang duhkita mrayascitain banjarnyanē, ngawit punika krama banjar sinanggeh tan cuntaka.
- (2). Swadarmaning krama banjar:
- ha. Prajuru banjarē maritatas kawēntenannyanē risampun ingkup bebawosanē raris krama banjarē ngamargiang upakara upacaraning yajnya minakadi:
 1. Pabersihan layon (nusang) kakawitin antuk suaran kulkul.
 2. Upacara pamendeman layonē nuju sētra patut bau-bau taler kadulurin antuk kekawin.
 - na. Yaning sawanē nginep, kapatutang i krama banjar / dēsa pakraman ngebagin ring jeronnē sanē lina, masuwē wantah tigang rahina.

Pawos 32

- (1). Yaning wēnten jadmā padem beling (mati beling) sanē maderbē kamatian punika mangda ngutsahayang ngamedalang / nglekadang belingan sang padem punika tur nunas wantuan ring prajuru banjar / dēsa lan lurah. Yaning mrasidayang lekad, pamendemannyanē mangda kalaksanayang manut dresta sanē sampun mamargi.
- (2). Sajeroning bebanjaran / dēsa yaning jaga mendem sawa lintangan ring adiri nemoning rahina tunggal, sawa pinih wayahan mamargi rihinan, asapunika taler sajeroning bebanjaran / dēsa yaning mendem sawa miwah ngabēn ring rahina miwah ring sētra tunggal, pamendeman sawa punika patut mamargi rihinan.
- (3). Sapa sira ugi jaga mendem sawa, tan kadadosang nginepang bambang ring sētra.
- (4). Sapa sira ugi jagi mendem sawa, patut ngarsayang panugrahan prajuru banjar / dēsa pakraman, asapunika taler pamendeman sawa nganutin pararem banjar / dēsa. Rarē sanē durung maketus patut kapendem pramangkē / tan dados nginep.
- (5). Jadmā padem nandang sakit ila, sawan ipun patut kapendem pramangkē ring sētra. Genahnyanē kapatutang / kapituduh olih prajuru dēsa (sisi kelod sētra).

Pawos 33

Ritatkala pamargin ngabēn ngerit ngantos mamukur kalaksanayang ring sajeroning dēsa pakraman, wēnten salah sinunggi: warga lina patut / wenang kaabēnang nadak, prabēyanē saking dēsa lan kulawarga.

Palet 4

Indik Manusa Yajnya

Pawos 34

- (1). Manusa Yajnya inggih punika upacara-upakara yajnya darmaning manusa ngawit saking patemon purusa kalawan pradana, mawasta matemuang kama petak lan kama bang, sajeroning garba utawi panemaya / patemon.
- (2). Lanturan upakarannya munggah sakadi ring sor puniki:
 - ha. Magedong-gedongan duk ngrempini (bobotan mayusa 3 wiyadin 4 sasih).
 - na. Duk kama rēkanē metu embas.
 - ca. Kepus udel, nglepas aon risampun mayusa 12 rahina.
 - ra. Tutug akambuhan rikala sampun mayusa abulan pitung rahina (42 dina).
 - ka. Telu bulanan utawi nyambutin rikala sampun tigang sasih (105 dina).
 - da. Ngotonin utawi enem sasih rikala sampun mayusa 210 dina.
 - ta. Munggah deha utawi ngraja swala.
 - sa. Mapandes (masangih).
 - wa. Mawiwaha ngawit ngrajegang grehasta asrama.
- (3). Mungguwing upacaranya: nista, madia, utama, manut kecaping adat utawi agama.

Palet 5

Indik Bhuta Yajnya

Pawos 35

- (1). Bhuta Yajnya inggih puniki yajnya pabēyakalan ring sang sinanggeh bhuta kala, manut kecap sastra agama Hindu, minakadi upakara ring sarwaprani, ring ibu pertiwi, ring natar kahyangan dēsa.

Upakara-upakara ring sarwa prani punika makadi :

1. Tumpek Uduh utawi Tumpek Pangatag, upakaraning sarwa tanem tuwuh (phala).
 2. Tumpek Andang utawi Tumpek Uyē upakara ring sarwa ingon-ingon (wewalungan).
- (2). Upakara pabēyakalan ring pertiwi utawi palemahan kahyangan kawastanin macaru. Pacaruan punika kalaksanayang antuk : nista, madya, utama manut tetuwek tetujon kadi ring sor :
- ha. Ēka sata.
 - na. Panca sata.
 - ca. Panca kelud.
 - ra. Panca sanak.
 - ka. Rsi gana.
 - da. Tawur Kasanga.
- (3). Tiyos ring punika taler wēnten yajnya sēsa inggih punika : majotan nyabran wusan maratengan.
- (4). Taler wēnten sanē kawastanin pacaruan sasih Karo rikala Tilem sasih Karo, magenah ring pura Puseh (pura Dalem Cemara), lan pacaruan sasih Kanem (ring rahina Tileming Kanem), genah ngaturang upakara ring tepisiring kalēr kangin dēsa puniki, taler ngaturang salaran ring segara kalanturang antuk nglungaang mintar (maider dēsa), palawatan minakadi Ratu Ayu kairing antuk krama dēsanē saha nyejer tigang rahina ring Pura Dēsa.

Pawos 36

- (1). Upacara Tawur Kasanga patut kamargiang manut dresta inggih punika :
- ha. Majeng ring Ida Bhatara patut :
 1. Nyejerang Ida Bhatara ring pura Dēsa.
 2. Malasti utawi makiis ka segara.
 - na. Upakara tawur manut dudonan :

Rikala Tilem Kasanga kawēntenang pacaruan, upakara pacaruan punika manut pituduh Parisadha Hindu Dharma lan pararem dēsa, munguwing pamarginē sakadi ring sor :

1. Ring sowang-sowang parahyangan, ring sanggah / pamrajan, ngaturang peras, ajuman, daksina, tipat kēlanan, canang lenga wangi, nunas tirtha madaging bija (beras kuning).
 2. Di natah sanggah / pamrajan ngaturang segehan nasi cacah, maulam matah, ngayat sang Bhuta Raja lan Sang Kala Raja.
 3. Ring jaba nanceb sanggah cucuk ngunggahang banten daksina, ajuman, peras, tumpeng ketan, sayur kacang panjang, kagantungin tipat, cambeng madaging tuwak, arak berem lan toya. Ring sor ngaturang segehan agung, segehan manca warna 9 tanding madaging olah-olahan ayam brumbun, tuak, arak berem, lan toya.
 4. Ring banjar pacaruan ēka sata saha pailēn-ilēnnya.
 5. Ring dēsa pacaruan panca sata saha upakarannya.
- ca. Risampun puput ngaturang pacaruan sami kulawarganē ring puri sowang-sowang mabēyakala, maprayascita lan natab sesayut lara malaradan ring natar paumahan.

Pawos 37

- (1). Upacara pananggal pisan Isaka Warsa Nyepi utawi mati geni wenang nganutin Catur Brata Panyepian inggih punika, nēnten kadadosang maapi-api, makarya, malelungaan, malelanguan nganutin pamutus Parisadha Hindu Dharma Pusat lan Pemerintah. Sang sanē nēnten nganutin patut kadanda manut pamutus pararem.
- (2). Sang sanē kadadosang malampu ritatkala rahina panyepian, inggih punika: sang maduwē anak alit ring genahnyanē sirep, sanē maduwē kasungkanaan ring genahnyanē sungkan, sang sanē kadadosang medal, sanē maduwē kasungkanaan macihna antuk ilikita saking bendēsa / lurah.
- (3). Bējangnē pananggal kalih Isaka Warsa kawastanin Ngembak Geni, ngawit saking tatas rahina, brata panyepianē sampun puput.

SUKERTA TATA PAWONGAN

Palet 1

Indik Pawiwahan

Pawos 38

- (1). Pawiwahan inggih punika patemoning purusa kalawan pradana malarapan kayun sukacita, maduluran upasaksi sekala miwah niskala.
- (2). Palaksanaan pawiwahan kamargiang luwirē :
 - ha. Pepadikan, kamanggala antuk pakrunan riyin.
 - na. Ngrorod wiadin ngrangkat, ngrorod dumun wawu kalukuang / kapajatiang kaduluring paingkup kulawargan nyanē sowang-sowang.
- (3). Pidabdab sang pacang mawiwaha:
 - ha. Sampun munggah deha teruna, lanang wiyadin istri.
 - na. Sampun pada rena utawi tan pepaksan.
 - ca. Manut kecaping agama utawi tan gamia gamana.
- (4). Parabian ring ajeng inucap, taler mangda nganutin Undang-Undang No 1 Tahun 1974, saha PP No. 9 / 1975, peraturan sanē kamedalang olih Gubernur Bali.
- (5). Sapasira ugi mamurug kecapē ring ajeng patut:
 - ha. Tan nganutin angka (3) ca menawi kaplegandang, pangantēnē kēngin kapalasang tur sang malaksana kadanda manut pararem.
 - na. Sang mamurug angka (3).3. menawi tan manut kecaping agama, kadanda manut pararem tur parabiannyanē kapalasang.

Pawos 39

- (1). Pawiwahan kabawosang tan patut inggih punika :
 - ha. Natab upakara sangkaning pepaksan.
 - na. Tan wēnten saksi miwah ilikitannya.

- ca. Sinalih tunggil tan rawuh ritatkala pawidi widanan punika, utawi sinalih tunggil kagentosin antuk keris miwah carang dadap.
 - ra. Gamia gamana, inggih punika pangambilan pawiwahan sanē tan yogya, riantukan nēnten manut sesananing agama, minakadi: ngambil sameton wit i bapa / ibu, sameton lian biang, oka miwah oka kuwalon, mantu miwah matua, warang, cucu saking mantu. Yan pradē wēnten kamargiang pangambilan asapunika patut kapalasang, samalih sang mamurug patut ngwēntenang pamarisudan dēsa.
- (2). Yaning wēnten krama banjar / dēsa sanē majangkepan sadurung kaupasaksi (nista, madya, utama) nēnten kadadosang ka Pura Kahyangan Tiga.

Pawos 40

- (1). Palaksanaan ngrorod patut kamargiang :
- ha. Reraman saking purusa digelis ngwēntenang pamilaku majalaran utusan utawi duta sanistanē kalih diri tan kēngin kasēp ring wenginē sajawaning ngambil nglangkungin segara.
 - na. Duta inucap tan wēnten pakulawarga ring purusa.
 - ca. Yaning tan wēnten pamilaku, kulawargan sang wadon patut masadok ring prajuru sanē pacang sareng netes.
- (2). Pamargin panglukuan patut :
- ha. Kamanggala antuk geng rena sinampura marep ring reraman sang wadon.
 - na. Yan pradē panglukuan tan katerima patut kalanturang jantos ping tiga.
 - ca. Paling suwē tigang (3) rahina saking dina ngrorod, kaigumang antuk pawirasan arep ring pasuakan reraman sang ngidih saha dēwasa pakrabnyanē.

Pawos 41

- (1). Ngidih / mamadik :
- ha. Ngencubin: kulawarga sang purusa masadok ring sang kulawarga pradana sadurung ngambil anakē istri.

- na. Madarmaswaka jagi ngambil anakē istri: kulawarga sang purusa, madarmaswaka marep ring kulawarga sang pradana saha nguningayang indik padēwasan lan dudonan pawiwahan.
- (2). Upacarannya:
- ha. Pabyakaon / makalan-kalan.
- na. Pawidi-widana.
- ca. Majejauman / madēwasa mulih.
- (3). Pawiwahan lian / siyos agama patut kalaksanayang antuk:
- ha. Ngluku.
- na. Madarmaswaka.
- ca. Sadurung pabyakaonan wenang karihinin antuk upacara sudhi wadani.

Pawos 42

- (1). Piteges pawiwahanē patut, sang lanang marabi adiri asapunika sawaliknya.
- (2). Yan pradē wēnten lokika sanggraha, sang mobotang wadonē patut masakapan sareng wadonē, saha pawidi widanan.
- (3). Yan pradē wēnten dratikrama, paradara, amitra ngalang sanē kabawos ngranayang cemer jagat Dēsa Pakraman Serangan, wenang kasisipang saha upacarannya manut pararem.

Palet 2

Indik Nyapihan

Pawos 43

- (1). Parabian prasida kawusang malarapan antuk palas utawi padem. Palas mapikuren saantukan sinalih tunggil lampus mapiteges balu.
- (2). Palas parabian mawiwit wicara pracihna tan temu suka citaning panunggalan idep sang alaki rabi mapiteges nyapihan.

- (3). Indik palas / biad marabian, manut *Pawos 43 angka (2)* patut masadok ring prajuru banjar / dēsa, nanging yan piteketnyanē tan prasida katampi, kapatutang atur upēksa pailikitan ring sang rumawos utawi Pengadilan Negeri, wastu nunas apadang pamutusnē kabawos nyapihan tur nglaksanayang upacara ring Pura Dēsa, nglantur prajuru nyiarang kawēténannya ring dēsa.
- (4). Yaning durung ngamanutin bawos *angka (3)* ring duur, banjar nēnten nglepas krama punika inggihan ring ayah-ayahan lan pepeson.
- (5). Yaning wēnten wong istri mobot tan wēnten anak nyawēnin / nyakapin, mangda masadok ring prajuru, yaning sang istri sampun ngangkenin salah sinunggil (ur ngambil, nēnten kasumpah. Yaning sang istri sampun ngangkenin salah sinunggil) sang mobotang, nanging sang mobotang tan ngangkenin, mangda sang sinanggeh mobotang kasumpah ring Kahyangan Tiga.
- (6). Yaning wēnten anak bajang / balu mobot nēnten wēnten sanē ngangkenin, kulawargannyanē patut masadok ring prajuru dēsa, lan patut nglaksanayang upacara pabyakaonan dados sareng salah sinunggil kulawargannyanē.

Pawos 44

- (1). Warga krama banjar sanē sampun marabian rabinē kaambil antuk jadma lian, kapatutang nunas pamatut ring pemerintah.
- (2). Yaning wēnten jadma ngungkung, istri wiyadin lanang kapatutang tedun ngayah sakadi krama banjar / krama dēsa. Jadma sanē kabawos ngungkung: memitra / masanggama, jenek lintang ring tigang sasih, ngambil pakaryan sadina-dina, pagunakaya dados asiki. Jadma sanē kabawos ngungkung punika nēnten dados ka Pura Kahyangan Tiga, sadurung muputang upakara pawiwahannya.
- (3). Prajuru dēsa wenang ngicēn pawēwēh sadērēng nibakang dedosan lan pamidanda.

Pawos 45

- (1). Tata caraning / sulur palas marabian inggih punika:
 - ha. Matilar tan pasadok jantos 6 sasih, saha tan ngicēn pangupajiwa istrinnyanē.

- na. Istrinē para dara / kasar lakunyanē.
 - ca. Tan prasida adung malih.
 - ra. Lanangē dratikrama.
 - ka. Wandu.
- (2). Tan kapatutang ngulihang / ngamudalang rabi sajeroning sungkan, nanging dados makingsan ring wargannya istri / kari kawungkus ring rabinnyanē.

Palet 3

Indik Sentana

Pawos 46

- (1). Sanē dados anggēn / ambil sentana, rihin patut ngambil saking turunan sameton lanang, yēn tan wēnten sanē sandang ambil irika, wawu dados ngambil ring turunan kaping siki / misan purusa nyantos turunan ming telu. Asapunika salantur ipun ngantos rawuh katunggalan sanggah / pamerajan. Yaning irika taler tan polih, wawu dados sakama-kama.
- (2). Sanē kaanggēn sentana dados lanang wiyadin istri, manut kayun sang ngarseyang nunas. Ngangkat sentana kabawos sah (majanten) yaning sampun polih kabēbasan saking pakadangannyanē, manut banjar / dēsa pakraman tur polih ilikita saking Pemerintah, Ngidih / nunas sentana tan dados lintang ring adiri (tan dados ping kalih).

Pawos 47

- (1). Yaning wēnten jadma maduwē sentana istri ngrawuhang anak lanang tur puput marabian, sakantun lanang ipun maurip tan kēngin ngrawuhang anak lanang siyosan anggēn ipun rabi malih, saantukan anak istri tan patut ngamaduang anak lanang.
- (2). Anak lanang nyeburin istri tan dados ngrereh rabi malih yan tan polih kabēbasan matua miwah istrinyanē, pianak saking rabinnyanē dumun.

Ṣaḍ Sargah

WICARA LAN PAMIDANDA

Palet 1

Indik Wicara

Pawos 50

- (1). Sanē kawenangang ngicēn bawos tur mutusang wicara ring dēsa inggih punika:
 - ha. Yaning sang mawicara patunggilan banjar patut kabawosin antuk Kelihan Banjar.
 - na. Yaning pradē sang mawicara mabinayan banjar patut kabawosin antuk Bendēsa saha Kertha Dēsa.
- (2). Yaning pradē sang mawicara tan cumpu ring tata caraning Kelihan Banjar kēngin nunas bebandingan ring Bendēsa saha Kertha Dēsa.
- (3). Yaning taler sang mawicara tan cumpu ring pamatut Bendēsa saha Kertha Dēsa kēngin nunasang ring sang rumawos makadi Pengadilan Negeri lan salanturnyanē.

Pawos 51

- (1). Pradē wēnten pakulawarga sanē maparisolah (maparilaku) tan manut sakadi sinanggeh ring awig-awig, pasuara utawi pararem, patut pramangkē kabawosin tan nyantos pasadok tur nibakang pamidanda lan panyisip manut pararem miwah linging awig-awig.
- (2). Pamutusē utawi panepasē mangda pastika nyantenang iwang patut sanē mabuat malarapan Tri Pramana (saksi, ilikita, bukti), saha tan maren nepas ring Catur Dresta miwah agama.
- (3). Sajaba wicara sakadi ring ajeng patut nyantosang pasadok sang nunas bawos.

Palet 2

Indik Pamidanda

Pawos 52

- (1). Banjar / dēsa pakraman wenang niwakang pamidanda ring warga sanē sisip / iwang.
- (2). Paniwak inucap patut kalaksanayang antuk Bendēsa / Kelihan Banjar Suka Duka.
- (3). Ageng alit pamidanda manut kadi sor singgih kasisipanē.

- (4). Bacakan pamidanda / panyisip luwirē:
- ha. Danda artha (jinah) yadin pepeson sanē siyos-siyosan.
 - na. Danda ngaturang ayah manut pituduh / pararem.
 - ca. Danda nunas pangampura / nywaka.
 - ra. Danda upakara panyangaskara.

Saptamas Sargah

NGUWAH-NGUWUHIN AWIG-AWIG

Pawos 53

- (1). Nguwah-nguwuhin awig-awig dēsa punika kalaksanayang antuk paruman dēsa.
- (2). Paruman inucap mangda kadasarin antuk pakarsan krama dēsa sanē kawalinin antuk sabha dēsa sanistannyanē kalih pah tigaan saking pamilet sabha dēsa.
- (3). Pamutus bawos kadasarin antuk gilik saguluk.

Aṣṭamas Sargah

SAMAPTA

Pawos 54

- (1). Awig-awig puniki kawastanin Awig-awig Dēsa Pakraman Serangan tur kamargiang ngawit kararemin.
- (2). Sakaluwiring sanē durung kabawos ring awig-awig puniki patut kalaksanayang manut tata cara sanē sampun ketah mamargi kadulurin antuk pararem.


Pawos 55

- (1). Awig-awig puniki kararemin duk rahina Tumpek Wayang (Saniscara, Kliwon wuku Wayang) pananggal ping 9 sasih Kalima, Isaka warsa 1929, tanggal 20 Oktober 2007.
- (2). Awig-awig puniki kalingga tanganin olih Bendēsa Pakraman Serangan kasarengin antuk Kelihan Banjar Suka Duka, saha kasaksiang olih Kepala Lingkungan miwah Kepala Kelurahan Serangan kacumponin antuk Camat saha Majelis Alit miwah Madya raris kapikukuh olih Walikota Dēnpasar

Luwir sang nglingga tanganin :

ha. Prajuru Dēsa Pakraman Serangan.

1. Bendesa.




I Wayan Astawa, SH.

2. Kelihan Suka Duka Banjar Ponjok.




I Madē Mēka.

3. Kelihan Suka Duka Banjar Kaja.



I Wayan Lēng.

4. Kelihan Suka Duka Banjar Tengah.



I Madē Sukanadi SH.

5. Kelihan Suka Duka Banjar Kawan.




I Madē Rita.

6. Kelihan Suka Duka Banjar Peken.



I Wayan Juwita.


7. Kelihan Suka Duka Banjar Dukuh.



I Wayan Dirtha.

na. Kasaksinin antuk :

1. Kepala Lingkungan Banjar Ponjok.




I Wayan Roja

2. Kepala Lingkungan Banjar Kaja.



I Ketut Pusara, SH.

3. Kepala Lingkungan Banjar Tengah.



I Wayan Pimpin Astra

4. Kepala Lingkungan Banjar Kawan.



I Nyoman Gedē Paritha

5. Kepala Lingkungan Banjar Peken.



I Made Sandya.

6. Kepala Lingkungan Banjar Dukuh.



I Madē Warsa.

7. Kepala Kelurahan Serangan.



I Made Poniman, SH.

Nip.600009111

8. Camat Denpasar Selatan.



Ida Bagus Alit Wiradana, S.Sos., M.Si.

NIP. 010190533

ca. Kacumponin oleh :

1. Majelis Alit Dēsa Pakraman
Kecamatan Denpasar Selatan.



Ida Bagus Anom Buana.

2. Majelis Madya Dēsa Pakraman

Kota Denpasar.



Drs. Madē Karim.

ra. Kapikukuhin oleh :

Wahkoto Denpasar.



Drs. Puspayoga.